

UNIVERZITET
„PRIVREDNA AKADEMIJA”
BRČKO DISTRIKT
BOSNA I HERCEGOVINA



PRAVILNIK O RADU STUDENTSKOG PARLAMENTA

Univerziteta „Privredna
akademija” Brčko distrikt BiH

Brčko, septembar 2023. godine

Na osnovu člana 7. stav 2. tačka b) i člana 53. stav 1. tačka e) Zakona o visokom obrazovanju Brčko distrikta Bosne i Hercegovine („Službeni glasnik Brčko distrikta BiH“, broj: 30/09, 29/18, 16/20 i 44/22), člana 21. stav 1. tačka e) Statuta Univerziteta „Privredna akademija“ Brčko distrikt BiH, broj: 1-31/21 od 01.03.2021. godine, Senat Univerziteta „Privredna akademija“ Brčko distrikt BiH, na svojoj redovnoj sjednici održanoj 20.09.2023. godine, donosi:

PRAVILNIK O RADU STUDENTSKOG PARLAMENTA

I OSNOVNE ODREDBE

Član 1.

Pravilnikom o radu studentskog parlamenta Univerziteta „Privredna akademija“ Brčko distrikt BiH uređuju se sastav, nadležnosti, organizacija, način i postupak izbora i raspuštanja Studentskog parlamenta Univerziteta „Privredna akademija“ Brčko distrikt BiH (u daljem tekstu: Studentski parlament). Na pitanja koja nisu uređena ovim pravilnikom primjenjuju se odredbe Zakona o visokom obrazovanju Brčko distrikta BiH i Statuta Univerziteta „Privredna akademija“ Brčko distrikta BiH (u daljem tekstu: Univerzitet).

Član 2.

Studentski parlament je studentsko predstavničko tijelo preko kojeg studenti ostvaruju svoja prava i štite svoje interese na Univerzitetu.

Član 3.

Studentski parlament predstavlja i zastupa predsjednik Studentskog parlamenta.

Član 4.

Članovima Studentskog parlamenta garantovana je sloboda mišljenja i izražavanja. U okviru Studentskog parlamenta, nije dozvoljeno nacionalno, vjersko, političko organizovanje i djelovanje.

II SASTAV STUDENTSKOG PARLAMENTA

1. Opšte odredbe

Član 5.

Studentski parlament se sastoji od 29 članova, na način da se osigura adekvatno zastupanje studenata iz sva tri studijska ciklusa. Članovi Studentskog parlamenta, imenuju se na mandat u trajanju od godinu dana.

Član 6.

Studentski parlament ima predsjednika, potpredsjednika i sekretara, koji se imenuju na mandat u trajanju od godinu dana.

2. Predsjednik studentskog parlamenta

Član 7.

- (1) Predsjednik Studentskog parlamenta:
 - a) organizuje, saziva i rukovodi sjednicama Studentskog parlamenta;
 - b) zastupa i predstavlja Studentski parlament van Univerziteta;
 - c) potpisuje akte koje donosi Studentski parlament i stara se o njihovom sprovođenju;
 - d) podnosi izvještaj o radu Studentskog parlamenta;
 - e) imenuje Sekretara Studentskog parlamenta;
 - f) obavlja i druge poslove utvrđene opštim aktima Univerziteta i ovim pravilnikom.

Član 8.

- (1) Predsjedniku Studentskog parlamenta prestaje funkcija prije isteka vremena na koje je izabran: ostavkom, razrješenjem ili prestankom mandata člana Studentskog parlamenta. U slučaju podnošenja ostavke, predsjedniku Studentskog parlamenta prestaje funkcija danom održanja sjednice na kojoj je podnio ostavku.
- (2) Studentski parlament može razriješiti dužnosti predsjednika Studentskog parlamenta prije isteka vremena na koje je izabran, po postupku predviđenom za izbor predsjednika Studentskog parlamenta.
- (3) Predsjednik Studentskog parlamenta može biti razriješen dužnosti ako
 - a) prekrši Pravilnik o disciplinskoj odgovornosti studenata;
 - b) ne ispunjava dužnosti predsjednika;
 - c) krši odredbe Statuta Univerziteta i ovog pravilnika
 - d) zloupotrijebi položaj predsjednika
- (4) Inicijativu za razrješenje predsjednika Studentskog parlamenta može pokrenuti sam predsjednik ili najmanje jedna trećina članova Studentskog parlamenta, podnošenjem pismenog zahtjeva. Zahtjev mora sadržati i odgovarajuće detaljno obrazloženje.
- (5) Glasanje o razrješenju predsjednika Studentskog parlamenta obavlja se na narednoj sjednici Studentskog parlamenta, koja mora biti održana najkasnije u roku od sedam dana od dana podnošenja inicijative.
- (6) U slučaju prestanka funkcije predsjednika Studentskog parlamenta prije isteka vremena na koje je biran, Studentski parlament će na istoj, a najkasnije na narednoj sjednici, započeti postupak izbora predsjednika Studentskog parlamenta, u skladu sa odredbama ovog pravilnika.

3. Potpredsjednik Studentskog parlamenta

Član 9.

- (1) Potpredsjednik Studentskog parlamenta pomaže predsjedniku Studentskog parlamenta u vršenju poslova iz njegovog djelokruga. Predsjednika Studentskog parlamenta, u slučaju privremene spriječenosti, zamjenjuje potpredsjednik Studentskog parlamenta.
- (2) Potpredsjedniku Studentskog parlamenta funkcija može prestati i prije isteka vremena na koje je biran iz istih razloga i po istoj proceduri kao i kod predsjednika Studentskog parlamenta.

4. Sekretar Studentskog parlamenta

Član 10.

(1) Sekretar Studentskog parlamenta:

- a) pomaže predsjedniku i potpredsjedniku Studentskog parlamenta u pripremi i vođenju sjednica;
- b) učestvuje u radu Studentskog parlamenta
- c) vodi zapisnik na sjednicama Studentskog parlamenta
- d) stara se o arhivi Studentskog parlamenta
- e) vrši druge poslove određene ovim pravilnikom i odlukom predsjednika.

1) Sekretara Studentskog parlamenta imenuje predsjednik Studentskog parlamenta iz reda studenata Univerziteta. Njegova funkcija prestaje konstituisanjem novoizabranog Studentskog parlamenta, pri čemu on vrši svoje zadatke do imenovanja novog sekretara. Za svoj rad sekretar je odgovoran predsjedniku Studentskog parlamenta.

(2) Sekretaru Studentskog parlamenta prestaje funkcija prije isteka vremena na koje je imenovan: ostavkom ili razrješenjem, pri čemu on vrši svoje zadatke do imenovanja novog sekretara.

III NADLEŽNOSTI STUDENTSKOG PARLAMENTA

Član 11.

Studentski parlament je jedini legitimni predstavnik studenata Univerziteta i kao takav, jedini ovlašten prenosilac zahtjeva administraciji i tijelima Univerziteta u vezi rješavanja studentskih pitanja i ima sljedeće nadležnosti:

- a) bira i razrješava predstavnike Studentskog parlamenta u organima Univerziteta;
- b) donosi opšte akte o svom radu;
- c) donosi program rada;
- d) razmatra pitanja u vezi sa unapređenjem mobilnosti studenata, zaštitom prava studenata i unapređenjem studentskog standarda;
- e) organizuje i sprovodi programe vannastavnih aktivnosti;
- f) učestvuje u postupku samovrednovanja Univerziteta;
- g) ostvaruje međuuniverzitetsku i međunarodnu saradnju studenata
- h) obavlja i druge poslove u skladu sa zakonom, statutom i opštim aktima Univerziteta.

IV ORGANIZACIJA

Član 12.

- (1) Da bi Studentski parlament mogao punovažno da radi i donosi odluke, potrebno je da u radu učestvuje 50% plus jedan od ukupnog broja članova Studentskog parlamenta.
- (2) Sjednice Studentskog parlamenta, održavaju se po potrebi.
- (3) Po utvrđivanju učešća potrebnog broja članova Studentskog parlamenta za punovažan rad i odlučivanje, Predsjednik Studentskog parlamenta prisutpa utvrđivanju dnevnog reda.
- (4) Po utvrđivanju dnevnog reda, pristupa se usvajanju zapisnika sa prethodne sjednice, a onda se redom prelazi na sljedeće tačke dnevnog reda.
- (5) Zapisnik sa sjednice potpisuje zapisničar i predsjednik.
- (6) Rasprava se otvara o svakoj tački dnevnog reda o kojoj se raspravlja i odlučuje.
- (7) Studentski parlament donosi odluke o pitanjima iz svoje nadležnosti prostom većinom glasova prisutnih članova koji učestvuju u radu.

Član 13.

- 1) O toku sjednice Studentskog parlamenta vodi se zapisnik.
- 2) Zapisnik sadrži osnovne podatke o radu na sjednici, a naročito: redni broj sjednice, datum, mjesto i vrijeme održavanja sjednice, ime i prezime prisutnih i odsutnih članova, dnevni red, kratak opis (suštinu izlaganja učesnika), formulaciju odluka, zaključaka i dr, tok razmatranja, tok odlučivanja i donijete odluke, zaključci i preporuke, broj glasova, podaci o usvajanju zapisnika sa prošle sjednice, vrijeme zaključivanja sjednice. Zapisnik sa sjednice se sastavlja najkasnije u roku od pet dana od dana održane sjednice i dostavlja članovima uz poziv za narednu sjednicu. Zapisnik sa sjednice Senata Univerziteta ovjerava se svojeručnim potpisom predsjednika i zapisničara.

V NAČIN I POSTUPAK IZBORA

Član 14.

- (1) Pravo da biraju i da budu birani za člana Studentskog parlamenta imaju svi studenti Univerziteta upisani na studije u školskoj godini u kojoj se bira Studentski parlament.
- (2) Izbor članova Studentskog parlamenta održava se, najkasnije do kraja upisa u novu akademsku godinu.
- (3) Izbore za Studentski parlament raspisuje rektor Univerziteta.
- (4) Postupak izbora za Studentski parlament sprovodi komisija od tri člana, od kojih su dva studenti, a jedan nastavnik, koju imenuje rektor prije raspisivanja izbora.
- (5) Izbor članova Studentskog parlamenta vrši se neposredno, tajnim glasanjem po fakultetima, na Univerzitetu.
- (6) Konstitutivna sjednica novog saziva Studentskog parlamenta održava se u narednih sedam dana od dana završetka izbora.
- (7) Mandat članova Studentskog parlamenta traje godinu dana.
- (8) Članu Studentskog parlamenta Univerziteta kome je prestao status studenta prestaje mandat danom prestanka statusa, a izbor novog člana obavlja se u roku od sledećih 15 dana.

Član 15.

- (1) Spisak studenata koji vodi studentska služba Univerziteta ujedno je i birački spisak.
- (2) Kandidovati se može svaki student Univerziteta. Kandidatura sadrži ime i prezime studenta, studijski program i godinu studija.
- (3) Izbori za studentski parlament traju jedan radni dan, u periodu od 9 do 19 sati i održavaju se u prostorijama Univerziteta.
- (4) Po završenom glasanju izborna komisija, pristupa utvrđivanju rezultata glasanja.
- (5) Izborna komisija najprije utvrđuje broj neupotrebljenih glasačkih listića i stavlja ih u posebne koverte koje pečatira.
- (6) Nevažeći je glasački listić sa koga se ne može utvrditi za koga je birač glasao i onaj glasački listić na kom je zaokruženo više od broja kandidata za koje se glasa.
- (7) Podaci o broju studenta koji su glasali i broju nevažećih glasačkih listića se unose u zapisnik.
- (8) Zapisnik o radu izborne komisije fakulteta potpisuju svi članovi komisije.
- (9) Prigovor na regularnost izbornog postupka i rezultata izbora može podnijeti svaki student izbornej komisiji u roku od 24 sata od objavljivanja rezultata izbora.
- (10) Izborna komisija je dužna da u roku od 24 sata od isteka roka za podnošenje prigovora odluči o podnijetim prigovorima.

Član 16.

- (1) Izabrani su kandidati koji na glasanju dobiju najviše glasova.
- (2) Ukoliko dva ili više kandidata dobiju isti broj glasova, glasanje se ponavlja između njih u roku od sledećih sedam dana.
- (3) U vezi sa stavom 2 ovog člana, rektor će donijeti posebnu Odluku.

VI RASPUŠTANJE STUDENTSKOG PARLAMENTA

Član 17.

- (1) Kada najmanje polovina od ukupnog broja članova Studentskog parlamenta podnese istovremeno ostavku na funkciju člana Studentskog parlamenta, raspušta se Studentski parlament.
- (2) Danom raspuštanja Studentskog parlamenta rektor Univerziteta raspisuje vanredne izbore za Studentski parlament.
- (3) Vanredni izbori za Studentski parlament održavaju se u roku od 15 dana od dana raspisivanja.
- (4) Konstitutivna sjednica novoizabranog Studentskog parlamenta održava se najkasnije u roku od 15 dana od dana završetka izbora.
- (5) Mandat novoizabranog Studentskog parlamenta traje do isteka započetog mandata Studentskog parlamenta.

VII PRELAZNE I ZAVRŠNE ODREDBE

Član 18.

Ovaj Pravilnik stupa na snagu osmog danom od dana objavljivanja na oglasnoj tabli Univerziteta. Stupanjem na snagu ovog poslovnika, prestaju da važe raniji poslovници i svi akti i odredbe koje regulišu ova pitanja.

Broj: 45-31/23
Datum: 20.09.2023. godine

PREDSJEDAVAJUĆI SENATA
REKTOR